

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJE

po Zahtjevu privrednog subjekta ASA OSIGURANJE d.d. Sarajevo

Sarajevo,
oktobar 2022. godine



Broj: 01-26-7-017-4/22
Sarajevo, 12.10.2022. godine

Konkurencijsko vijeće Bosne i Hercegovine, na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05, 76/07 i 80/09), a po Zahtjevu privrednog subjekta ASA OSIGURANJE d.d. Sarajevo, Trg međunarodnog prijateljstva 25, 71 000 Sarajevo, zaprimljenog od strane Konkurencijskog vijeća dana 19.07.2022. godine pod brojem: 01-26-7-017-1/22, na 110. (stotinudesetoj) sjednici održanoj dana 12.10.2022. godine, je donijelo

MIŠLJENJE

Privredni subjekt ASA OSIGURANJE d.d. Sarajevo, Trg međunarodnog prijateljstva 25, 71 000 Sarajevo (u daljem tekstu: ASA OSIGURANJE ili Podnosilac zahtjeva) podnio je Konkurencijskom vijeću Zahtjev za davanje mišljenja broj: 691/22/I-UD/664/R1/664 od 18.07.2022. godine u vezi obaveze prijave koncentracije (u daljem tekstu: Zahtjev), zaprimljen dana 19.07.2022. godine pod brojem: 01-26-7-017-1/22.

Zahtjevom je traženo stručno mišljenje Konkurencijskog vijeća da li pripajanje privrednog subjekta Central osiguranje d.d. Džemala Bijedića 39, 71 000 Sarajevo privrednom subjektu ASA OSIGURANJE d.d. Sarajevo, Trg međunarodnog prijateljstva 25, 71 000 Sarajevo predstavlja koncentraciju, odnosno da li je potrebno vršiti bilo kakve dalje aktivnosti prema Zakonu o konkurenciji u vezi namjeravane statusne promjene.

Vlasnička struktura privrednih subjekata koji namjeravaju sudjelovati u pripajanju, prema navodima u Zahtjevu, je sljedeća:

- Većinski vlasnik ASA OSIGURANJE sa 80% dionica je privredni subjekt ASA Finance d.d. Sarajevo dok preostalih 20% dionica posjeduje privredni subjekt Bosna reosiguranje d.d. Sarajevo;
- Većinski vlasnik Central osiguranje d.d. sa 95% dionica je privredni subjekt ASA Finance d.d. Sarajevo dok preostalih 5% dionica posjeduje privredni subjekt CEPS – Centar za poslovne studije Kiseljak.

U Zahtjevu se dalje u bitnom navodi sljedeće:

- Djelatnost oba privredna subjekta su neživotna osiguranja (sve vrste osiguranja);

- ASA OSIGURANJE namjerava pripojiti Central osiguranje d.d. na dan 31.12.2022. godine čime će preuzeti sva prava i obaveze, a Central osiguranje d.d. će biti brisano iz sudskog registra privrednih društava;
- Pravni osnov pripajanja su odluke skupština oba društva;
- Nakon pripajanja ASA OSIGURANJE neće mijenjati svoj pravni status, odnosno nastaviti će da posluje pod istom djelatnošću;
- Navedena statusna promjena nema za posljedicu sprječavanje, ograničavanje ili narušavanje tržišne konkurencije na relevantnom tržištu te je osnovni cilj integracije obezbjeđenje efikasnosti poslovanja dva povezana lica;
- Učešće u ukupnoj premiji na tržištu osiguranja na nivou Bosne i Hercegovine na dan 31.12.2021. godine za ASA OSIGURANJE je iznosio 5,5% isto koliko je učešće imao i privredni subjekt Central osiguranje d.d.

ASA OSIGURANJE u svom Zahtjevu napominje da je prije kupovine privrednog subjekta Central osiguranje d.d. Konkurencijskom vijeću podnio prijavu predmetne koncentracije te je ista odobrena Rješenjem broj: UP: 05-26-1-039-6/20 dana 31.12.2020. godine, a koje je dostavljeno u prilogu Zahtjeva (zajedno sa Izvodima iz registra vrijdnosnih papira FBiH te Izvodima iz sudskog registra Općinskog suda u Sarajevu za oba privredna subjekta).

U cilju poduzimanja blagovremnih aktivnosti u projektu integracije pripajanja privrednih subjekata podnesen je predmetni Zahtjev za davanje mišljenja, shodno navedenom.

Postupajući po podnesenom Zahtjevu, analizom svih dostavljenih podataka i činjenica iz Zahtjeva, a na osnovu odredbi Zakona o konkurenciji, Konkurencijsko vijeće daje sljedeće mišljenje:

Zakon o konkurenciji u članu 12. propisuje koja postupanja na tržištu od strane privrednih subjekata predstavljaju koncentraciju dok član 14. istog Zakona propisuje koji se uslovi na tržištu trebaju ispuniti da bi postojala obaveza prijave koncentracije.

Koncentracijom, u smislu člana 12. stav (1) Zakona, smatra se:

- a) spajanje ili pripajanje nezavisnih privrednih subjekata ili dijelova privrednih subjekata;
- b) sticanje kontrole ili dominantnog uticaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata, i to:
 - 1) sticanjem kupovinom većine dionica ili udjela osnovnog kapitala; ili
 - 2) sticanjem većine prava glasa; ili
 - 3) na drugi način, u skladu s odredbama zakona koji reguliraju osnivanje privrednih subjekata i njihovo upravljanje;
- c) zajedničko ulaganje na dugoročnoj osnovi, dva ili više nezavisnih privrednih subjekata, koji djeluju kao nezavisan privredni subjekt.

U smislu člana 12. stav (2) Zakona, sticanje kontrole se ostvaruje putem prava, zaključivanjem sporazuma ili drugim sredstvima kojima jedan ili više privrednih subjekata, bilo posebno, bilo zajednički, uzimajući u obzir sve pravne i činjenične okolnosti, stječu mogućnost ostvarivanja dominantnog uticaja nad jednim ili više privrednih subjekata.

Obzirom da je konkretnom slučaju riječ o pripajanju već od ranije zavisnih privrednih subjekata, odnosno integraciji privrednih subjekata ASA OSIGURANJE i Central osiguranje d.d. gdje su oba u većinskom vlasništvu privrednog subjekta ASA Finance d.d. Sarajevo statusna promjena pripajanja privrednog subjekta Central osiguranje d.d. privrednom subjektu ASA OSIGURANJE nakon koje će privredni subjekt privrednog subjekta Central osiguranje biti brisan iz sudskog registra privrednih društava, implicira da se ne radi se o koncentraciji u smislu člana 12. stav (1) Zakona o konkurenciji.

Slijedom navedenog, ne postoji obaveza podnošenja prijave koncentracije, shodno zaprimljenom Zahtjevu za davanje stručnog mišljenja.

Konkurencijsko vijeće, slijedom navedenog, daje ovo mišljenje isključivo na osnovu podataka navedenih u Zahtjevu, te ukoliko dati podaci odstupaju od stvarnog činjeničnog stanja ovo mišljenje se ne može primijeniti.

Predsjednik

Nebojša Popić